


CHIUTA NDI WAKUJIMASULIRA IYO YEKHA

 Wadada w̄ithu W̄akuchanya, Lizgu kufuma kwa Imwe ling'anamurenge vikuru kuruska vyose munthu pa nyengo yiriyose wangachita panji kuyowoya, chifukwa w̄anthu w̄akulindizga kuti w̄amuwoneni Imwe. Ndipo ise tikumuwongani Imwe chifukwa chakuti w̄ariko awo w̄ali pasi pakukhazga, iwo w̄akupenja chinyake kuti chichitike. Ndipo para w̄anthu w̄ali na nyota ya chinyake, ndimba kuchemanga ku Ndimba, kukwenera kuti yiw̄eko Ndimba kuti yizgore ku ntchemo yira. Ndicho chifukwa ise tiri kuno usiku uwu, chifukwa chikaŵa pa mitima ya w̄apharazgi aŵa, na w̄anthu, kuti w̄atichemere ise pamoza kuti timurombani Imwe mutipe chinthemwa na vitumbiko, kugomezganga kuti Imwe muchizgenge w̄arwari na kuponoska w̄akutayika, ndipo muwoneskenge Mazgu Ghinu.

² Ndipo ise tikuromba, W̄adada W̄akuchanya, kuti Imwe muperekenge ichi kwa ise apo ise mwakujikhizga tikulindizga kwa Imwe, usiku na usiku. Tikuromba kuw̄eko kwantheura a—kupunguka kwa Mzimu Mutuŵa, ndipo tikuromba munthu waliyose waŵe wakuburumutizgika ku chinyake chirichose chaŵazingirizga iwo kupaturako Chiuta. Tikuromba kuŵe kulira kukuru kurute pakati pa w̄anthu, w̄ali na nyota ya Chiuta, mpaka kwize chisisimuso charu chose kuno ndipo tchalitchi lirilose lizakaŵe lakuzura na w̄anthu, w̄akwananga kuliriranga Chiuta kuti waŵachitirenge lusungu, ndipo—ndipo Mzimu Mutuŵa kuchizganga w̄arwari, kupanganga vikhwaŵi kuyenda, na kuwuskanga w̄akufwa, na kuperekanga vinthu ivi ivyo viri kulayizgika mu Mazgu Ghinu.

³ Zanninge, Fumu Yesu, ndipo kwaniriskani phangano Linu. Zanninge kwa ise usiku uwu. Ise tikugomezga kuti Imwe ndimwe mweneyura mayiro, muhanyauno, na muyirayira, kuti mapangano Ghinu ghangatondeka chara. Vyose kuchanya na charu chapasi vitondekenge kweni Mazgu Ghinu ghangatondeka chara. Tikuromba kapulikiskiro kithu kajurike. Tikuromba Mzimu Mutuŵa wafike na kuwa pa dongo lanthaka. Tikuromba kuti kapulikiskiro kithu kajurikire ku Mzimu na nkhongono za Chiuta usiku uwu, mwakuti Iyo wangawoneskera Mazgu Ghake ghakulayizgika mwa ise. Pakuti ise tikuromba ichi mu Zina la Yesu. Amen.

⁴ Sono, usiku uwu, imwe mwaŵeneimwe mukulindilira makani, tiyeni tijure mu Baibolo ku Buku la Petros Wachiw̄iri,

ndipo tiyambire na vesi 15, ngati nthowa ya kuyowoyapo waka pa Lemba kwa nyengo zichoko.

Mwakurutirizga ine ndiyezeskenge chomene kuti imwe muzakaŵe ŵakukhora para ine ndafwa kuti muzakaŵe na vinthu ŵi nyengo zose mu chikumbusko.

Pakuti ise ntha tiri kurondezga virato mwauchenjezi, vidokoni, para ise tikavumbura kwa imwe nkhangono na kwiza kwa Fumu Yesu Khristu, kweni tikaŵa ŵakaboni ŵakulaŵiska na maso za ukuru wake.

⁵ Ine nkuchitemwa icho, “ŵakaboni ŵakulaŵiska na maso.” Ntha chidokoni chinyake. Ise ndise ŵakaboni ŵakuwona na maso pa ivyo ise tikuyowoya.

Pakuti iyo wakapokera kwa Chiuta Dada ntchindi na uchindami, ndipo kukiza lizgu likuru kwa iyo kufuma ku uchindami ukuru, Uyu ndi Mwana wane wakutemweka, mwa uyo Ine nkhekondwera.

Ndipo lizgu ili leneilo likafuma kuchanya ise tikalipulika, para ise tikaŵa na iyo mu phiri lituŵa.

Ise tiriso na lizgu lakusimikizgika chomene la uchimi; mu leneilo imwe muchitenge makora kuti imwe mupulikire, ngati kuŵara uko kukuŵalira mu... malo ghamdima, mpaka zuŵa lifume, ndipo nyenyezi ya muhanya yifume mu mitima yinu:

Pakumanya chakudanga ichi, kuti kulije uchimi wa lemba uli na kumasulira kwapadera.

Pakuti uchimi ntha ukiza mu nyengo zakale na khumbo la munthu: kweni munthu mutuŵa wa Chiuta wakayowoya apo iwo ŵakakhuŵirizgika na Mzimu Mutuŵa.

⁶ Nkhuromba Fumu yisazgireko vitumbiko Vyake ku kuŵazgika kwa Mazgu Ghake. Sono, ine nditorenge ichi kuŵa chisambizo: *Chiuta Ndi Wakujimasulira Iyo Yekha.*

⁷ Ise tikukhala mu nyengo ya nthimbanizgo. Ise tikukhala mu nyengo yakuti apo mwanarumi na ŵanakazi ntha ŵakumanya chakuti ŵachite. Chirichose, ichi—ichi chikuwoneka kuti chiri mu nthimbanizgo. Chirichose, ichi chikuwoneka kuti kuli nthowa zinandi chomene zakupambanapambana zakuti tilaŵiske. Ndi Satana, wakuchita icho.

⁸ Sono, Chiuta ntha wangaŵayeruzga ŵanthu mwaurunji, makora, pekhapekha paŵe mlingo unyake uwo Iyo wakwenera kuti waŵayeruzgire iwo. Ndipo Baibolo likuyowoya kuti Iyo wazamkweruzga ŵanthu wose pakugwiriska ntchito Yesu Khristu, ndipo Yesu Khristu ndi Mazgu. Mu Yohane Mutuŵa, chipatulo 1, Ili likati:

*Mu mtendeko kukaŵa Mazgu, ndipo Mazgu ghakaŵa
na Chiuta, ndipo Mazgu wakaŵa Chiuta.*

*Ndipo Mazgu ghakazgoka thupi, ndipo wakakhala
pamoza nase, . . .*

⁹ Sono, chose ise tiri muhanyauno ndi chiwoneskero cha maukhaliro Ghake. Mwa Chiuta. . . Pakudanga Iyo nthā wakaŵa nanga ndi Chiuta, Chiuta, ise tikamuchemanga waka Iyo “Yumoza Wamuyirayira.” Iyo nthā wakaŵa Chiuta, chifukwa lizgu (lizgu Mchingerezi) *Chiuta* likung’anamura “chinthu chakusopeka” ndipo kukaŵavaye chakumusopa Iyo. Ntheura Iyo wakaŵa Yumoza Wamuyirayira, a—Mbwiwi yikuru ya mahara ghose. Ndipo mu Mbwiwi iyi ya mahara ghose mukaŵavaye kachigaŵa kadikidiki, kachiduswa, panji kalikose, kukaŵavaye kuŵara kulikose, nyenyezi, mwezi, kukaŵavaye kalikose. Chiuta, icho ise tikumanya ngati Chiuta, Mzimu ukuru uwo ukaŵa Wamuyirayira (nthā ukachita kuyamba, nthā ukamara), Iyo wakaŵako kula. Ndipo mwa Iyo mukaŵa maukhaliro: ghakaŵa maukhaliro kuti waŵe Chiuta, pamanyuma maukhaliro Ghake kuti waŵe Dada, maukhaliro kuti waŵe Mwana, maukhaliro kuti waŵe Muponoski, maukhaliro kuti waŵe Muchiriski. Maukhaliro ghose agha ghakaŵa mwa Iyo. Ndipo sono Iyo. . . Vinthu ivi ivyo viri kuvumbukwa kufumira nyengo yira ndi maukhaliro waka Ghake kuŵa ghakuwonekera.

¹⁰ Icho ine nkhung’anamura, *maukhaliro* ghakaŵa “maghanoghano” Ghake. Ndipo a—*lizgu* ndi “ghanoghano lakuyowoyeka.” Ndipo ntheura icho chikaŵa mu kughanaghana Kwake. Ndipo para Iyo wakati, “Kuŵeko,” ndipo chikaŵako. “Kuŵeko,” ndipo chikaŵako.

¹¹ Ndipo sono, kumbukirani, imwe Ŵakhristu mukaŵa maghanoghano Ghake pambere charu chikaŵa chindaŵeko. Ndipo imwe ndimwe kuwonekera kwa kughanaghana Kwake. Pambere kukaŵa nanga ndi charu, imwe mukaŵa mwa Khristu, (amen) mwa Chiuta mu mtendeko. Icho chikumupangani imwe, pamanyuma, imwe wonani, ŵanthu Ŵake. Ndipo chinthu chose ndi Chiuta, Iyomwene, kujipanganga Iyomwene wakukhwaskika mwakuti Iyo wangamanya kukhwaskika, kuwoneka, na—na vinyake ntheura. Ndipo icho ndicho Chiuta wali, chinthu chose.

¹² Ntheura ŵanthu ŵakuti, “Kumasulira. . .” Ine nkhayowoyanga kuno kale chomene chara mu ungano, mwanarumi wakayowoya kwa ine, iyo wakati, “M’bale Branham, iwe uli na kumasulira kwaujira. Iwe nthā ukumasulira Icho makora.”

¹³ Sono, ise tikupulika. . . Iwo ŵakuruta ku Methodist, ndipo iwo ŵakuti “Ŵa Baptist wakumasulira makora chara.” Wa Baptist wakuti, “Ŵa Pentekoste ŵakutondeka.” Wa Pentekoste wakuwoyoya kuti “A—Ŵa Oneness ŵakutondeka.” Wa Oneness

wakuti, “Ŵa Assemblies ŵakutondeka.” Ndipo waliyose yumozayumoza wakuti munyake wakutondeka.

¹⁴ Chiuta ndi wakujimasulira Iyo Yekha! Iyo nthā wakusoŵeka munyake kuti wamumasulire Iyo. Iyo wakuchita Iyo Yekha kumasulira. Munthu ndinjani kuti iyo wangamasulira Chiuta? Chiuta ndi wakujimasulira Iyo Yekha.

¹⁵ Sono, Petros wakuyowoya apa, ise tikusanga kuti mu mtendeko para Chiuta wakati, “Kuŵeko kuŵara,” ndipo kuŵara kukaŵako, uko ndi kumasulira ku ichi. Para Chiuta wakayowoya chirichose ndipo ichi chikawonekera, nthaura icho ndi kumasulira kwa Chiuta kuti Mazgu Ghake nganeneska. Mukuwona? Para Iyo wakati, “Kuŵeko kuŵara,” icho chikaŵa mu kughanaghana Kwake chakudanga pambere kukaŵa chinthu chantheura ngati kuŵara. Para Iyo wakati, “Kuŵeko kuŵara,” kuŵara kukawoneka mu mitambo, uko ndi kumasulira. Kulije munyake wakwenera kumasulira icho, pakuti Chiuta wakayowoya nthaura ndipo kula kukaŵako. Para Chiuta wayowoya ndipo ichi chawonekera, uko ndi kumasulira kwa Mazgu Ghake. Ntchifukwa uli ŵanthu ŵakutondeka kuchiwona icho? Ntchifukwa uli ŵanthu ŵakuchiwona chara icho?

¹⁶ Para Chiuta wapanga phangano ndipo Chiuta wakuti... Mu—mu mtendeko, mu Genesis, Iyo wakagaŵira Mazgu Ghake ku muwiro uliwose apo Ili likizanga kufuma ku chiyambi kufika ku umaliro. Ndipo, kukhira mu miwiro iyi, mpingo wa charu uli na vinthu vyose ivi vyose kutimbanizgika na myambu, na vinyake nthaura, ndipo Chiuta nyengo zose wakutuma pa malo, kukhira kufuma ku Chipangano Chakale na Chiphya, ŵaprofeti! Ndipo Mazgu gha Yehova ghakwiza kwa muprofeti. Ndipo kasi Ichi chikuchita uli ichi? Ichi chikuwoneskera Mazgu gha Chiuta. Kuwonekera kwa Chiuta, icho chikuphara kwali ichi ntchaunenesko panji chakwanangika. Paliye munyake wakwenera kumasulira Ichi, Mazgu ghakujimasulira Ighoghene. Chiuta wakalayizga ichi ndipo uko ichi chikuchitika!

¹⁷ Kasi ichi chikuchita uweme uli kuyowoya chinyake chirichose za Ichi? Kasi ndinjani munthu wakwananga uyo wayezgenge kuyowoya (para Chiuta wakapanga phangano ndipo Chiuta wachita ichi) kuti kumasulira uko nkhwakwanangika? Icho ndi Chiuta Iyomwene kuchitanga kumasulira Kwake Yekha, kumasuliranga. Iyo nthā wakusoŵeka munyake waliyose kuti wamumasulire Iyo, Iyo wakujimasulira Iyoyekha pakuchita kuwoneskera icho Iyo wakalayizga kuti Iyo wazamkuchita.

¹⁸ O, usange mpingo ungachiwona icho na kuwona mapangano agho ghali kulayizgikira muwiro uliwose! Miwiro yinyake yose, Chiuta wali kutuma pa malo (nanga kukhira mu miwiro seveni ya mpingo) ndipo wali kuwoneskera chirichose Iyo wakalayizga kuchita. Chirichose, kulije chinthu chimoza chiri

kukhalako nthā wali kuchita. Ndendende! Icho Iyo wakati Iyo wazamkuchita, cheneicho Iyo wakachita.

¹⁹ Chifukwa para Chiuta wakayowoya, kale kula mu Yesaya, Iyo wakati, “Mwali wazamkuyima,” ndipo iyo wakachita. Sono, ndinjani—ndinjani wangamasulira icho? Chiuta wakachita kumasulira. Iyo wakati, “Mwali wazamkuyima,” ndipo iyo wakayima. Sono, kasi imwe muku...imwe nthā...Kulije chingamanya kuyowoyeka za icho, chifukwa Chiuta wakati iyo wazamkuyima ndipo iyo wakachita ichi. Kweni mpingo ukaŵa wakuburumutizgika chomene nyengo yira kuti uchiwone ichi. Wonani, iwo ŵakaŵa na fundo yawo za ichi. Ichi chikaŵa chomene—chakulekana chomene na icho iwo ŵakakhazganga.

²⁰ Petros apa wakaŵakumbuskanga, iyo wakati, “Chiuta wakamuwoneskera Khristu mwa Mazgu Ghake, Iyo wakati, ‘Uyu ndi Mwana Wane wakutemweka.’” Ŵakugomezga aŵa ŵakayimirira apo. Ndipo Khristu wakaŵa kuwonekera kwa Chiuta. Iyo nyengo zose wakamuwoneskera Khristu mwa Mazgu Ghake, chifukwa Khristu ndi Mazgu. Iyo wakuwoneskera nyengo zose.

²¹ Para Iyo wakati...Mu mazuŵa gha Nowa, Khristu wakaŵa mwa Nowa. Kasi imwe mukugomezga icho? Nowa wakati, “Kuzamkurokwa vura. Kuzamkuŵa vura, charu chizamkuparanyika.” Vura yikarokwa. Icho nthā chikasoŵekanga kumasulira kulikose. Vura yikarokwa chifukwa Chiuta, mwa Nowa, wakati, “Vura yirokwenge.” Iyo wakaŵa muprofeti, ndipo ukaboni ukaŵa wakuti icho iyo wakayowoya chikakwaniriskika. Ntheura iwo nthā ŵakusoŵeka kumasulira icho.

²² Ŵanji ŵa iwo panji, mu uzengezgani, ŵakati, “Munthu uyu nthā wakumanya icho iyo wakuyowoya.”

²³ Kweni Chiuta nyengo zose wakalayizga, “Usange walipo yumoza pakati pinu uyo ngwauzimu, panji muprofeti, ndipo icho iyo wayowoya chikukwaniriskika, ntheura mupulikeni iyo.” Uwo mbenesko, chifukwa ndi unesko. Ichi chikwenera kuŵa chakulingana na Mazgu. Ndipo Nowa wakaŵa wakulingana na Mazgu. Para iyo wakachima kuti vura yizamkurokwa, ndipo iyi yikarokwa. Icho nthā chikasoŵekanga kumasulira kulikose ku icho, chifukwa ichi chikachita waka icho.

²⁴ Yesaya wakati, “Mwali wazamkuyima,” ndipo iyo wakayima. Sono, chira chikaŵa chachilendo chomene. Pakuti, wonani, pakajumpha virimika mahandiredi ghanandi pambere mwali wakaŵa wandayime.

²⁵ Chikaŵa chachilendo chomene mpaka mwanarumi muweme wakuthyika Yosefe, mfumu wake, “pakuŵa mwanarumi murunji ndipo nthā wakakhumba kuti wamupange iyo chiyerezgero pa gulu...” Mwanarumi muweme yura mu mazuŵa ghara,

umo ichi chikaŵira na Yosefe para iyo wakati wamufikira, wakajarizgika kwa Mariya.

²⁶ Iyo wakajarizgika. Mu nyengo yira, kuphwanya chira, chira chikaŵa waka chakuyana na kuchita chigololo. Ndipo, nkhumanya, kwa Yosefe, chikawoneka ngati kuti Mariya wakayezga kumugwiriska ntchito iyo ngati chakubisamako, panji kumupanga mwanarumi kuŵa chakumuvikirira ku kwananga kwake, chifukwa apa iyo wakasangika kuti wakaŵa mama, kwambura kuŵa wakutengwa, wakufikirika waka. Njomba ngati iyo, wakamanya kudinyikira ku nyifwa; ichi chikayenera kuŵa nthaura, mwa dango.

²⁷ Ndipo Yosefe, mfumu wake, wakaŵa mwanarumi murunji, mwanarumi murunji chomene. Iyo wakamugomezga Chiuta. Ndipo para mwanakazi wakamulaŵiska iyo na maso ghara ghachitemwa, maso ghakuru ghaweme, na kuti, “Yosefe, Gabriel Mungelo mukuru wakandichezgera ine ndipo wakandiphalira ine kuti ine ndiŵenge na nthumbo, kwambura kumanya mwanarumi.”

²⁸ Sono, usange Yosefe wakalaŵiskenge waka kunyuma mu Malemba, muprofeti wakati iyo wazamkuchita icho! Wakaŵa waka Chiuta kumasuliranga Mazgu Ghake Yekha! Mukuwona? Kweni ichi chikaŵa chachilendo chomene.

²⁹ Ilo ndilo suzgo mu muwiro uliwose. Mazgu gha Chiuta ngachilendo ku ŵanthu; Ichi ntchachilendo chomene. Chiuta nyengo zose wakuchita chachilendo. Ndi chachilendo kulikose uko Chiuta wali. Ichi chikususkana na ndondomeko zakachitiro za charu, chifukwa iwo ŵali kutora vinthu munthowa umo iwo ŵakughanaghanira ichi chikwenera kuŵira. Kweni Chiuta wakwiza ndipo wakuchita mwachilendo.

³⁰ “Kasi mwali uyu wayimenge uli?” Iyo wakaŵa wamagomezgeko, iyo wakapenja Chiuta za ichi.

³¹ Ndipo pamanyuma Chiuta wakayowoya kwa iyo mu loto, ndipo wakati, “Yosefe, iwe mwana wa David, kuwopa chara kumutora Mariya muwoli wako, pakuti icho chiri mwa iyo ndi cha Mzimu Mutuŵa. Chiuta wamuphimba iyo. Ichi ndicho chachita ichi.”

³² Kasi imwe mukawona umo Chiuta wakachitira na Yosefe kula? Mu nthowa yichoko, mu nthowa ya loto. Sono, ise tikumanya maloto ghaliko, ise tikugomezga mu maloto. Ine nkugomezga mu maloto. Ndakhala... Chiuta nyengo zose wakachita na ŵanthu mu maloto. Kweni maloto ndi pachoko, wonani, ichi chikamanya kuŵa chaunenesko panji chakwanangika pekhapekha ichi chikamasulirika. Kweni iyo nthwa wakasoŵekanga kumasulira kulikose. Wakaŵa Chiuta Iyomwene kuyowoyanga mwakurunjika kwa Yosefe, chifukwa mukaŵavye muprofeti mu charu mu mazuŵa ghara kuti wamasulire. Ntha wakaŵako muprofeti pa virimika foru

handiredi. Ntheura chinyake chiweme chomene, kuti Chiuta wakapwererera umoyo, umoyo wa Mwana Wake Yekha, kukaŵa kuyowoya kwa Yosefe kwizira mu loto lambura kumasulira. Iyo wakati, “Mwanakazi wakuneneska. Chinthu Chituŵa chira icho chiri mwa iyo ndi Mwana wa Chiuta.” Ntha chikasowekanga kumasulira kulikose.

³³ Chiuta wakuchita kumasulira Kwake Yekha kwa yakugomezgeka, mitima yakufikapo. Wanarumi na wanakazi awo wakulaŵiska pa—chinthu icho ndi chamchindindi, usange iwe ndiwe wakugomezgeka na wakufikapo ndipo uomezgenge, Chiuta wali na nthowa yakumasulira ichi kwa iwe. Chakudanga, fufuza usange ili ndi phangano. Usange Yosefe wakurutenge waka kunyuma na kufumako ku myambo na kuwerera ku Baibolo, na kufufuza, Yesaya wakati iyo wazamkuchita icho.

³⁴ Ndipo vinthu ivyo vikayowoyeka, na kubabika Kwake, na vyose vya ichi vikayowoyeka mwa Malemba, “na waprofeti watuŵa,” umo Petros wakayowoyera. Ndipo kulije munthu wali na mazaza kuŵikapo kumasulira kwapadera ku icho. Chiri waka ndendende icho Chiuta wakati chizamkuchitika. Iyo wakaŵa kuwonekera kwa Mazgu gha Chiuta kulayizgikira nyengo yira. Chiuta wakayowoya ichi, ntheura icho chikaŵako. Icho chikakhazikiska ichi.

³⁵ Yesu wakayowoya. . . Para Iyo wakaŵa pa charu chapasi, apo iwo ntha ŵakaupulikiska utumiki Wake, ichi chikaŵa chikuru chomene, chakuchitika chikuru chomene, (iwo wakatondeka), chakuŵachitikira, mphanyiko. Iwo wakatondeka kumupulikiska Iyo. Iyo wakati, “Sandani Malemba!” (Ine nkugomezga ine ntha nkhumujarani makutu kuwaro uko, kubanguliranga mu icho.) “Sandani Malemba, pakuti mwa Igho imwe mukughanaghana muli na Umoyo Wamuyirayira, ndipo Igho ndigho ghakundichitira ukaboni Ine.” Mukuwona? “Ndi Gheneagho ghakumuphalirani imwe Cheneicho Ine ndiri.”

³⁶ Wonani, Chiuta wakagaŵa Mazgu. Zuŵa lira kukayenera kuŵa kuwonekera kwa Chiuta, Chiuta (Emmanuel) na ise, “Zina Lake wazamkuchemeka Wakuziziswa, Muphemaniski, Kalonga wa Mtendere, Chiuta Mwenekhongono, Dada Wamuyirayira. Ndipo Zina Lake lizamkuchemeka *Emmanuel*, ‘Chiuta na ise.’” Chiuta wakaŵa mwa David. Chiuta wakaŵa mwa Moses. Chiuta! Uyo ndi Chiuta ulendo wose, kujiwoneskeranga Iyomwene ku muwiro ula. Kweni muwiro uwu, “Mwali wazamkuyima ndipo iyo wazamkubaba Mwana, ndipo Iyo wazamkuŵa Chiuta na ise.”

³⁷ Ndicho chifukwa iwo ŵakamupayikira Iyo, kujipanga Iyomwene Chiuta, ndipo kweniso chifukwa cha kuswa Zuŵa Lakupumura. Iyo wakaŵa—Iyo wakaŵa Chiuta wa Zuŵa Lakupumura, ndipo Iyo wakaŵa Chiuta. Ndipo Iyo ntha wakaŵa munthu wamba panji muprofeti wamba (ndipouli

Iyo wakaŵa Munthu wamba ndiposo Muprofeti), kweni Iyo wakaŵa Chiuta-Muprofeti. Ndipo Iyo wakaŵa kukwaniriskika kwa Mazgu, ndendende icho Chiuta wakayowoya kuti Iyo wazamkuchita. Wakati, “Ndinjani wa imwe wangandisuska Ine za kwananga? Sandani Malemba! Mwa Igho imwe mukughanaghana muli na Umoyo Wamuyirayira, ndipo ndi Igho ghakundichitira ukaboni Ine.” Kweni myambo yawo, iwo ŵakakhalanga mu kung’azima kwa muwiro unyake.

³⁸ Apo ine nkhapharazganga masabata ghachoko ghajumphu, “*Kukhalanga mu kung’azima.*” Kung’azima ndi “muzgerere,” zuŵa kujiwoneskeranga ilolene, ndipo ndi kwautesi. Ndipo kung’azima kulikose kwa muwiro unyake ndi kuwonekera kwautesi. Ŵanthu nyengo zose ŵakwenda mu chinyake icho chikachitika virimika vyakale. Ŵa Luther ŵakwenda mu kung’azima kwa ŵa Luther. Kuŵara kwa zuŵa kwa Luther kukaŵa kuweme mu nyengo yake; kwa Wesley kukaŵa kuweme mu nyengo yake; kwa Pentekoste kukaŵa kuweme mu nyengo yake. Ise tikuruta tikukwera matanda, ise tikukhala mu muwiro unyake! Ise tikurutirira, kurutirira, ise tingarutirira chara kulaŵiskanga kunyuma.

³⁹ Para ise tajitora taŵene kukhazikika mu vinthu, ise tikughanaghana kuti ise tapanga chose ichi, ise tikutora myambo yithu kukungikamo; ndipo chira chikaŵa makora ku nyengo yira, kweni ise tikurutirira! Sandani Malemba ndipo wonani icho chiri kulayizgikira nyengo iyi, nthaura ise timanyenge apo ise tiri, nthaura ise tingamanya kuyowoya apo ise tayimirira.

⁴⁰ Luther; imwe mukamanya kulaŵiska mu Malemba na kuwona mu ula—mu muwiro ula wa Sardis, imwe mungawona makoraghe icho chikalayizgika. Wonani mtundu wa mukweri uyo wakaruta, wonani icho chikaruta kukakumana nayo, ndendende, “uryarya wa munthu,” kunozga vinthu. Muwonani Wesley, na ŵanyake nthaura. Apo ichi chikwiza kukhira kunjira mu muwiro wa Pentekoste, na kukhiriranga mu muwiro ula, wonani umo ichi chiri kuyendera. Laŵiskani Malemba ndipo wonani apo ise tiri. Ndicho chifukwa Yesu wakati, “Sandani Malemba!”

⁴¹ Wonani apo ise tiri! Ine nkhugomezga ise tiri pa Kwiza kwa Mwana wa Chiuta sono nthena. Ine nkhugomezga ise tiri pa muwiro wa a—ora apo Iyo wangamanya kuwonekera nyengo yiriyose. Ine nkhugomezga Malemba ghakuyowoya nthaura, kuti ise tiri mu maora ghaumaliro gha mudauko wa charu ichi. Ine nkhumanya kuwona vinthu umo ivi vikuchitikira. Wonani Mphara iyi yikurongozgera mipingo yose mu ichi, mu lusimbo la chikoko. Ndipo wonani Ufumu wa Roma na icho uwu ukuchita, na ŵanyake wose ŵa iwo. Wonani iwo ŵakwiza pamoza, kujandanga Kuŵara, kukanizganga Ivangeli. Waliyose wakwenera kuzakaŵa mu ichi na kuyenda mu kuŵara kwawo panji imwe nthu muyendenge napachoko pose. Wonani, ise tiri

pa nyengo yaumaliro. Kulije chinyake chakhalako kwa ise kweni kuti tikoreske kwa Chiuta na kugomezga Mazgu Ghake. Mazgu nyengo zose nganeneska.

⁴² Mu muwiro wa mpingo wa Laodikeya, ula ukaŵa muwiro wa mpingo wekha pera, pa iyo yose, kuti Khristu wakaŵikika kuwaro kwa mpingo. Iyo wakaŵa kuwaro, kukhung’uskanga. Kasi kwachitika vichi? Mphara ya Charu iyi ndiyo yimuŵikenge Iyo kuwaro. Baibolo likati Iyo wakayenera kuŵa kuwaro, ndipo Iyo wali kuwaro. Iyi yikujanda vichi? Mazgu. Ndipo Iyo ndi Mazgu, Iyo nyengo zose wali kuŵa Mazgu, ndipo Iyo ndi Mazgu ndithu usiku uwu! Iyo ndi Mazgu.

⁴³ Baibolo likati, “Mazgu ngakuthwa, ghankhongono chomene kuruska lupanga lakuthwa kuŵiri,” Waheberere, chipatulo 4, “ghakusanda maghanoghano na madazgo gha mtima.” Mazgu ghakaŵako! Iwo nthena ŵakamanya Cheneicho Iyo wakaŵa para Yesu wakayowoya icho mu nyengo yira.

⁴⁴ Wonani icho Iyo wakachita. Zuŵa limoza Iyo wakayimirira apo, chiyambi chakudanga cha utumiki Wake. Kukaŵa munthu wakiza kwa Iyo, wakumanyikwa na zina lakuti Simon, Simon Petros. Ndipo para Petros wakati walaŵiska kwa Iyo ndipo—ndipo wakamuwona Iyo, Yesu wakayowoya kwa iyo, “Zina lako ndiwe Simon ndipo iwe ndiwe mwana wa Jonas.” (Iyo nthena wakamanya kuti Moses wakati, “Yehova Chiuta winu wazamkuwuska Muprofeti wakuŵa ngati ine, ndipo Iyo imwe mukwenera kuti mumupulike.”) Ndipo apa pakaŵa Munthu uyo nthu wakamuwonapo iyo mu Umoyo Wake, wakati, “Zina lako ndiwe Simon ndipo iwe ndiwe mwana wa Jonas.” Chifukwa, iyo wakamanya nkhanira penepapo kuti yura nthu wakamanya kuŵa munyake. . . Iwo nthu ŵakaŵapo na muprofeti pa virimika mahandiredi, ndipo apa pakaŵa Munthu kumuphaliranga iyo icho iyo wakaŵa. Ndicho chifukwa iyo wakamanya kuchipokerera ichi!

⁴⁵ Filipu, pa nyengo yira, wakaruta ndipo—ndipo wakamusanga Nathaniel musi mwa khuni, ndipo wakamutorera iyo kwa Yesu. Yesu wakati “Wonani mu Israel mwa uyo mulije uheni.”

Iyo wakati, “Rabbi, kasi Imwe mukandimanya pauli ine?”

⁴⁶ Iyo wakati, “Pambere Filipu wakaŵa wandakucheme iwe, para iwe ukaŵa musi mwa khuni, Ine nkakuwona iwe.”

⁴⁷ Iyo wakati, “Rabbi, Imwe ndimwe Mwana wa Chiuta! Imwe ndimwe Fumu ya Israel.” Iyo wakamanya yura wakaŵa! Vichi? Ichi nthu chikasoweke kumasulira, Yehova wakayowoya icho!

⁴⁸ Kula kukayimirira iwo awo nthu ŵakagomezga ichi. Iwo ŵakati, “Munthu uyu ndi Berezebure. Iyo wali na—Iyo wali na mtundu unyake wa uryarya Iyo wakuchitira ichi. Iyo—Iyo ndi muwukwi, panji chinyake.”

⁴⁹ Yesu wakaŵalawaŵiska iwo, ndipo wakati, “Chifukwa, imwe kuyowoya icho kwimikana na Mwana wa munthu, ichi chizamkugowokereka kwa imwe. Kweni para Mzimu Mutuŵa wafika kuchita chinthu chenechira, kuyowoya kwimikana na Icho, ichi ntha chizamkugowokereka kwa imwe, mu charu ichi panji charu icho chikwiza.” Iyo wakachimanga za nyengo yithu, nyengo iyo ise tikwenera kuti tiwone. Pakuti Iyo ndi mweneyura mayiro, muhanyauno, na muyirayira.

Kumbukirani, wakaŵa Yesu Khristu uyo wakaŵa mwa Moses.

⁵⁰ Wakaŵa Yesu Khristu uyo wakaŵa mwa David. Para David, mwana wa . . . David wakaruta pachanya pa phiri, fumu yakukanika, ndipo wakalirira Yerusalemu, chira chikaŵa chinyake chara kweni Khristu mwa iyo. Pakuti pakati pajumpha virimika pafupifupi eyiti handiredi, Mwana wa David wakayimirira pachanya pa Phiri la Maolive ndipo wakalaŵiska pasi pa Yerusalemu ndipo wakalira, ndipo wakati, “Yerusalemu, Yerusalemu, kasi Ine nthena nkhakufungatira kalinga iwe ngati ndiumo nkhuku yikuchitira masumbi ghake, kweni iwe ntha ukachita!”

⁵¹ Para Joseph wakaŵa mu gadi, yura wakaŵa Yesu. Para iyo wakaguriskika pafupifupi ndalama sate za siliva, yura wakaŵa Yesu. Para iyo wakapangika kuŵa munthu wa Potifar, yura wakaŵa Yesu. Para iyo wakakhala ku woko lamaryero la Faro. Ndipo para iyo wakaruta, waliyose . . . mbata yikalira, ndipo waliyose wakayenera kugwada nkhongono, yura wakaŵa Yesu. Kukaŵavye munthu wakamanya kwiza kwa Faro kweni kwizira—kwizira kwa Joseph; kulije munthu wangamanya kwiza kwa Chiuta, kweni mwa Yesu pera. Wakaŵa Yesu, Mazgu ghakulayizgika ghakukwaniriskika, ghakayowoyeka mu mizgezge na vilinganizgo.

⁵² Para Yesu wakaŵa pano pa charu chapasi, Iyo wakachita chinthu chenechira ŵaprofeti ŵakachita, ndicho chifukwa iwo ŵakamanya kuti Iyo wakaŵa kuwonekera kwa Chiuta kwa Mazgu Ghake. Ichi ntha chikasoweke kumasulirika.

⁵³ Para Nathaniel wakawona ichi, iyo wakawa pasi, wakati, “Imwe ndimwe Fumu ya Israel, Mwana wa Chiuta, Fumu ya Israel. Ise tikumumanyani Imwe, kulije munthu wangamanya kuchita ichi.”

⁵⁴ Nikodemo wakiza usiku, wakayowoya chinthu chenechira cha Ŵafarisi. Kweni, imwe wonani, iwo ŵakakoreka chomene mu Mphara yawo ya Charu kuti iwo ntha ŵakachizomera Ichi. Iyo wakawoneska icho iwo ŵakayowoya, kuti, “Rabbi, ise . . .” Ndise njani “ise”? Mphara yawo! “Ise tikumanya kuti Imwe ndimwe Musambizgi kufuma kwa Chiuta, chifukwa kulije munthu wangamanya kuchita vinthu ivi pekhapekha

Chiuta wali na iyo.” Iwo wakamanya Ichi, iwo wakamanya Ichi chikawako, kweni iwo wakakoreka chomene mu ichi.

⁵⁵ Ndipo Chiuta, mu virimika vyakale fote, wali kugwedeza charu ichi na ubapatizo wa Mzimu Mutuwa, ndipo wanarumi na wanakazi wachali kuwaro kwa Ichi chifukwa iwo wali kukoreka mu chinthu cheneichi, kukhalanga umoyo mu kung’azima kwa nyengo yinyake. Kasi suzgo ndi vichi? Waliyose wakukhumba kuwa Methodist, Baptist, Prezibetere, Lutheran, panji chinyake. Wonani, ndi kung’azima.

⁵⁶ Iwo wakakhalanga mu kung’azima kwa nyengo ya Moses. Kasi Iyo wakayowoya vichi? Iyo wakati . . . Iwo wakati, “Ise ndise wasambiri wa Moses.”

⁵⁷ Iyo wakati, “Usange imwe mukamumanyenge Moses, imwe nthena mwandimanya Ine. Moses wakalemba za Ine!”

⁵⁸ Usange imwe mukamumanyenge Luther, imwe nthena mwaumanya muwiro uwu! Usange imwe mukamanyenge Methodist, imwe nthena mwaumanya muwiro uwu! Pakuti Khristu wakalemba za muwiro uwu! Mazgu agho ghakukwaniriskika ghakwenera kukwaniriskika mu muwiro uwu. Ichi ntha chikusoŵeka munyake wamasulire Ichi, Chiuta wakuchita kumasulira Kwake Yekha. Chiuta wakujiimasulira Iyoyekha, chifukwa ndi Mweneuyo yekha pera wangamanya kumasulira Ichi. Mapangano gha Chiuta nyengo zose ghakukhozgera icho Iyo wakayowoya, ndipo icho ndi kumasulira.

⁵⁹ Sono, Yesu, (kuti tisunge nyengo), Yesu wakayowoya, mu Yohane Mutuwa, chipatulo 14, vesi 12, “Uyo wakugomezga pa Ine, milimo iyo Ine nkuchita wazamkuchita nayoso.” Kasi Iyo wakayowoya ichi? Uwo mbunenesko. Icho ntha chikusoŵeka kumasulira kulikose. Para munyake wakuchita ntchito iyo, uyo ndi Chiuta. Nadi!

⁶⁰ Iyo wakayowoyaso mkati umo, “Umo kukaŵira mu mazuwa gha Lot, nthaura ndimo kuzamkuŵira pa kwiza kwa Mwana wa munthu.” Yesu wakayowoya icho. Kasi Iyo wakayowoya ichi? Nadi, Iyo wakayowoya ichi! Icho ntha chikusoŵeka kumasulira.

Iwo wakuti, “Inya, icho chikang’anamura . . .”

⁶¹ Ichi chikang’anamura ndendende icho Iyo wakayowoya! “Umo kukaŵira mu mazuwa gha Lot, nthaura ndimo kuzamkuŵira pa kwiza kwa Mwana wa munthu.” Mukuti uli za mazuwa gha Lot? Tiyeni tiwerere kunyuma kanyengo waka, tifufuze iyo iwo wakachitanga.

⁶² Kukaŵa mitundu yitatu ya wanthu mu mazuwa gha Lot: wakugomezga, wakujiipangiska-kugomezga, na wambura kugomezga. Icho chiri mu gulu lililose, chinthu chenechira.

Ise tikusanga kuti ŵina Sodom wakaŵa wambura kugomezga.

Lot wakaŵa wakujipangiska-kugomezga.

⁶³ Abraham wakaŵa wakugomezga. Iyo wakaŵa mweneuyo phangano likakhozgekera. Iyo wakaŵa mweneuyo wakapenjanga mwana waphangano. Iyo wakaŵa mweneuyo wakakhazganga ichi. Amen. (Ine ntha nkhuji-panga “amen” ndamwene. *Amen* chikung’anamura “Ntheura kuŵe ntheura!”) Ndipo uwo mbunenesko. Abraham ntha wakaŵa mu Sodom. Abraham wakaŵa kumtunda ndipo kuwaro kwa Sodom. Iyo ndi chithuzithuzi cha Mpingo wauzimu muhanyauno.

⁶⁴ Lot ndi chithuzithuzi cha mpingo wa bungwe kusika mu Sodom. Wonani, Baibolo likayowoya kuti, “Zakwananga za Sodom zikatimbanizga uzima wake waurunji zuŵa lililose.” Ntchifukwa uli iyo wakaŵavye chikanga chakukwanira kuyima kwimikana na ichi? Kuli ŵanthu ŵanandi ŵaweme ŵakhala mu tchalitchi muhanyauno, ŵakulaŵiska kuwaro ndipo ŵakuwona ŵanakazi ŵavwara ŵakabunthu ndipo mwanarumi kuchitanga vinthu ivi, ndipo mamembara ghawo ghakuruta, kutchayanga golf pa Sabata, na mapwando ghachiryerano, na kuskambangana na vinthu, m’malo mwakuruta ku tchalitchi. Kukhalanga kunyumba pa Chitatu usiku, kuwonereranga television, m’malo mwakuruta ku tchalitchi. Iwo ŵakukhumba ngati ŵangayowoya chinyake za ichi, kweni ŵakuruŵakuru ŵangamanya kuŵasezga iwo. Kasi suzgo ndi vichi? Ndi Lot kamozaso, kulaŵiskiranga kuwaro pa windo lake na kuwonanga kwananga, ndipo wakuchita mantha kuzunura kwananga “kwananga”!

⁶⁵ Abraham ntha wakaŵamo mu nthimbanizgo yawo, iyo wakaŵa kuwaro kwa ichi. Iyo wakaŵa chithuzithuzi cha Mpingo wauzimu. Sono wonani icho chikachitika nkhanira pa umaliro wa nyengo, pambere moto ukaŵa undawe. Ndipo ŵara ŵakaŵa Ŵamitundu. Ichi chikaŵa chithuzithuzi cha moto kumbotokanga pa charu cha Ŵamitundu muhanyauno, apo maufumu ghazamkuperanyika ndipo igho ghazamkuwotcheka. “Machanya ghazamkuphya,” wakuti Yehova, “ndipo igho ghazamkuphya na chithukivu chikuru.” Ula ukaŵa muzgezge wa ichi.

⁶⁶ Sono tiyeni tiŵawone iwo. Apa pali Abraham wali kale kuwaro, ntha mu Sodom, iyo wakaŵa kuwaro kwa Sodom. Lot wakaŵa ndithu mu Sodom.

⁶⁷ Chinthu chachilendo, mlenji umoza wakotcha, chamudera mu eleveni koloko ndimo yikwenera kuti yikaŵa, iyo wakawona ŵanthu ŵatatu ŵakwiza, ŵanthu wamba, ŵakwenda kukhira na msewu, nthowa. Abraham wakakhala musu mwa oki, kujipumuzganga iyomwene. Iyo wakaŵa kuti wakafumapo, panji na viŵeto mlenji ula, ŵakwiza, pafupifupi nyengo ya muhanya pakati. Ndipo iyo wakawona ŵanthu ŵatatu ŵakwiza. Ndipo pakaŵa chinyake za ŵanthu ŵara, chakuti, ŵakalizga belu. O, mwe!

68 Nyengo zose pali chinyake za Chiuta, para Ichi chafika pakati pa wanthu, Ichi chikulizga belu. Iwo wakumanya Ichi. Pali chinyake chikuwaphalira iwo, kuliko kukhozgereka kula.

69 Abraham wakachimbira mwaluwiro, ndipo wakati, “Fumu yane, khalani ndipo mundizomerezge ine nditore maji pachoko, ndighapenje igho ndipo ndichape marundi Ghinu, ndipo ndimupeni chiwarukwa cha chingwa, ndipo pamanyuma Imwe mungamanya kuruta ulendo Winu.” Ntheura iyo wakang’anamukira kulwandi. Iyo wakachimbirira ku viweto ndipo wakatora ng’ombe yitechi ndipo wakakoma iyi, wakatuma wantchito kuti wayinozge iyi. Wakanjira mu hema, kusika kwa iyo, ndipo wakatuma Sara kuti wakase ufu unyake, wapange ghanyake, panji ufu unyake, wapange chingwa chinyake, ndipo wapange vibama pa ng’anjo. Wakiza nagho ndipo wakapereka. Apo iwo wakawa chikhalire kula, wakurya, iwo wakayamba kuwona, Munthu uyu wakarutirira kulawiskanga kusika ku Sodom. Ndipo Iyo wakati . . .

70 Wawiri wa iwo, kumbukirani, wakaruta kusika mu Sodom. Wawiri wakaruta ku Sodom. Chonde kuphonya chara ichi. Ine nkhourata ku icho Yesu wakayowoya. Wawiri wa iwo wakaruta ku Sodom kuti wakamutore Lot na awo wakawa wakunozgeka kuti wakatoreke kusika kula. Ndipo wawiri wara awo wakaruta kusika kula, wakaruta kusika ndipo wakapharazga. (Ndipo kuka wa Yumoza wakakhalira kunyuma na Abraham. Wonani chimanyikwiro Iyo wakachita.) Iwo wakawa na chimanyikwiro kusika kula, kula kuka wa . . . Wina Sodom wakaburumutizgika. Kupharazganga Ivangeli nyengo zose kukuburumutizga wambura kugomezga. Ndipo wonani icho ichi chikachita.

71 Sono, kuka wa Yumoza wakayimirira kunyuma uku wakachita chimanyikwiro pamaso pa Abraham.

72 Sono, kasi imwe mukawona, wamudauko waliyose, rondegani Malemba, rondegani mudauko, nthu yikawako nyengo mu miwiro ya mpingo uko munthu wakaruta ku mipingo zina kuwaro kula mu charu, kuwaro kula mu mabungwe, nthu wakawako munthu uyo zina lake ku umaliro likawa ngati Abraham, h-a-m, kale. Kweni muhanyauno iwo wali nayo yumoza, G-r-a-h-a-m. Uwo mbunenesko. Kurutanga kusika kula, kuwachemanga iwo. Iyo wakuchita ntchito yiweme na ichi. Graham, Billy Graham, muteweti wa Chiuta kuwaro kula pakati pa mabungwe, wandale, na wanyake ntheura, kuphwasuranga ichi.

73 Zuwa linyake para iwo wakakhumbanga kuti iyo wakapikisane nawo pa Uprezidenti, iyo wakakana ichi mwankhongono. Chiuta, mutumbikeni iyo pa ichi. Chifukwa, makampane ghara gha mowa, iyo chakudanga nthena wakaruta ku hedikota chara umo ichi chikayenera kuwira. Iwo nthena

ŵakananga mabiliyoni gha madola, chifukwa iyo nthena wakajara agha munthowa yiriyose, makampane ghara gha hona na vinthu ngati ivyo. Wonani, iyo wali kuwaro kula ngati thenga la Chiuta ku ŵina Sodom. Icho ndi ndendende.

⁷⁴ Kweni kumbukirani, kukaŵa Yumoza uyo wakakhala kumtunda kula na Abraham, Munthu munyake, nthā ŵawiri awo ŵakaruta kusika kula ngati ŵaneni ŵasono awo ŵakaruta kusika kula kukapharazga. Wonani, kukaŵa Yumoza wakakhala kumtunda kula. Ŵawiri ŵakaruta kusika kudera *kula*, ndipo Yumoza wakakhala *uku* na Abraham. Ndipo Yumoza uyo wakakhala na Abraham wakamupa chimanyikwiro iyo.

⁷⁵ Sono wonani, zina lake wakaŵa “Abram” ndipo muwoli wake wakaŵa “Sarai,” zuŵa waka limoza panji ghawiri chindachitike icho. Chiuta wakawoneka kwa Iyo ndipo wakamuphalira iyo, “Ine nkhusintha zina lako sono kufuma ku Abram kufika ku Abraham.” (Wonani, G-r-a-h-a-m ndi malemba sikisi, munthu.) Kweni A-b-r-a-h-a-m ndi seveni, malemba seveni; h-a-m, kumalira na h-a-m.

⁷⁶ Sono, kumtunda kuno mu Mpingo wauzimu, kukaŵa Yumoza kumtunda kula kwa Abraham, ndipo wonani icho Iyo wakayowoya. Iyo wakati, “Abraham,” (nthā “Abram”) “Abraham, kasi walinkhu muwoli wako” (nthā “S-a-r-r-a”) “S-a-r-a? Kasi walinkhu muwoli wako Sara?”

⁷⁷ Wonani icho iyo wakayowoya, “Iyo wali mu hema kunyuma Kwinu.”

⁷⁸ Ndipo Iyo wakati, “Ine ndizamkumuyenderani imwe. Ine ndizamkumuyenderani imwe.” Wonani zina lakuyimira munthu, Mweneuyo, kwakulingana na phangano ilo Iyo wakapanga. Yura wakaŵa Chiuta! Iyo wakati, “Ine ndizamkumuyenderani imwe.”

⁷⁹ Ndipo Sara, (mu nthowa yakuti ise tose tingapulikiska) wakasekera mkati, kwa iyoyekha, iyo wakati, “Ine, mwanakazi muchekuru, virimika handiredi, fumu yane” (uyo wakaŵa Abraham) “muchekuru nayoso, ŵakajumphā nyengo ya umoyo ya icho ngati ŵanthur ŵanichi.” Wakati, “Chifukwa, ise nthā tingaŵa na masangurusko ngati ghara munthowa yiriyose, ine ndine muchekuru ndipo iyo ndi muchekuru.” Ndipo wakati, “Ise tingaŵa nacho chara icho.” Ndipo wakati, “Uli? Vinthu ivi vingaŵako chara!”

⁸⁰ Ndipo a—Munthu (Chiuta mu thupi la munthu) wakati, “Ntchifukwa uli Sara wanguseka na kukayika, kuyowoyanga vinthu ivi?” Mu hema, kunyuma Kwake.

⁸¹ Sono wonani, usange uwo nthā ndi utumiki weneula Yesu Khristu wakaŵa nawo! Iyo wakalawiska ku gulu ndipo wakamanya ghanoghano lawo. Iyo wakamuphalira Petros icho iyo wakaŵa na ilo likaŵa zina la dada wake. Wakamuphalira Nathaniel.

⁸² Wakaphalira mwanakazi pa chisime, para mwanakazi wakati . . . Iyo wakati, “Ruta unditorere Ine maji,” panji “Ndipe maji Ine.”

⁸³ Iyo wakati, “Bwana, ndi chakuzomerezgeka chara na dango kuti Imwe muyowoye kwa . . . imwe Wāyuda kuyowoya ku Wāsamariya. Ise tirije kuchezerana yumoza na munyake.”

⁸⁴ Iyo wakati, “Kweni usange iwe ukamumanyenge Uyo iwe ukumuyowoyeska, iwe nthena wangundiromba Ine ghakumwa.” Kudumbirana kukarutirira. Iyo wakati, “Ruta ukatore mfumu wako ndipo mwize kuno.”

Iyo wakati, “Ine ndirije mwanarumi.”

Iyo wakati, “Iwe wayowoya makora, pakuti iwe ukaŵapo nawo fayivi.”

Iyo wakati, “Bwana!”

⁸⁵ Wonani mphambano pakatikati pa yura na iwo—na ŵasembe ŵara ŵa nyengo yira, mphara yira kukhalanga mu kung’azima kwa nyengo yinyake. Iwo ŵakati, “Ichi ntchiŵanda!” Iwo ŵakayenera kuphalira gulu lawo chinyake, chifukwa ichi chikakhumbikwanga icho.

⁸⁶ Kweni kasi wakachita vichi mwanakazi muchoko uyu mukavu, Mbewu yira yakusankhikirathu yikaŵa mu mtima wake. . . Iyo wakaŵa murwari ndipo wakavuka na vinthu vira, iyo wakayenda pa misewu ngati muzaghali. Kweni para iyo wakati wawona Chira, iyo wakati, “Bwana, ine nkhuwona kuti Imwe ndimwe Muprofeti. Ise nthā tiri kuŵapo nayo yumoza pa virimika foru handiredi, ndipo ise tiri kuphalirika kuti para Mesiya wakwiza ivyo ndi vinthu Iyo wazamkuchita.” O, mwe! Mbewu yira yikaŵa mula yikadukira ku umoyo! Chifukwa? Ichi nthā chikasoŵekanga kumasulira.

⁸⁷ Yesu wakati, “Ine ndine Iyo uyo wakuyowoya kwa iwe.” Icho nthā chikasoŵekanga kumasulira kulikose. Iyo wakachita munthondwe ndipo wakachitira ukaboni kuti Iyo wakaŵa Mesiya yura, amen, ndipo chikachitira ukaboni ndendende icho Chiuta wakalayizga (“Yehova Chiuta winu wazamkuwuska Muprofeti ngati ine,” wakayowoya Moses). Kasi chikaŵa chivichi? Kukhozgeka kwa Lemba!

⁸⁸ Iyo wakachimbirira mu msumba, ndipo wakati, “Zaninge, muwone Munthu Uyo wandiphalira ine vinthu ivyo ine ndiri kuchita. Kasi uyu ndi Khristu mweneyura chara? Kasi ndiyo chara Uyu? Iyo wandiphalira ine ivyo ndiri kuchita.”

⁸⁹ Sono wonani, Yesu, yura wakaŵa Iyo kumtunda kula mwa Munthu yura uyo wakarazgira msana Wake ku hema ndipo wakaphara icho Sara wakaghanaghananga mu hema.

⁹⁰ Mazgu gha Chiuta ghakuyowoya, mu Wāhebere, chipatulo 4, kuti . . . Iyo wakuyowoya ichi, “Mazgu gha Chiuta ngankhongono chomene ndipo ngakuthwa kuruska lupanga lakuthwa kuŵiri,

kudumuranga pakatikati mongo wa chiwangwa, ndipo ngakusanda maghanoghano na madazgo gha mtima.” Ndi Mazgu! Ndipo nyengo yiriyose kuti muprofeti wakiza, iyo wakiza na Mazgu, ndipo iyo wakaŵa Mazgu gha muwiro ula. Ndipo kasi ichi chikachita vichi? Ntchimi uyo wakasanda maghanoghano agho ghakaŵa mu mtima.

⁹¹ Ichi chikachita ichi mwa Yesu Khristu chifukwa Iyo wakaŵa uzari wa Mazgu.

⁹² Ndipo Yesu wakati, “Umo kukaŵira mu mazuŵa gha Sodom, ntheura ndimo kuzamkuŵira pa kwiza kwa Mwana wa munthu.” Mzimu wa Chiuta uzamkwiza pa charu chapasi mu kawonekero ka ŵanthu, Chiuta kuwonekera mu thupi la munthu (Amen! Kasi imwe mukuchiwona ichi?), ndipo uzamkuchita chinthu chenechira icho Chiuta wakachita mu thupi la munthu ku Sodom. Kumbukirani, iwo ŵakalindizganga mwana waphangano. Ndipo, nkhanira pamanyuma pa icho, mwana waphangano wakiza. Chira chikaŵa chimanyikwiro chaumaliro icho Sodom na gulu la Abraham ŵakawona pambere mwana waphangano wakaŵa wandafike. Kasi imwe mukuchiwona icho? Ndipo sono Mpingo wauzimu wafika ku ora lira.

⁹³ Munyake wakati, “M’bale Branham, kasi iwe ukati ‘yura wakaŵa Chiuta?’”

⁹⁴ Baibolo likati, Ichi wakaŵa Chiuta! Ichi nthā chikusoŵeka kumasulira kulikose. Iyo ndi Elohim. Icho ndicho Abraham wakamuchema Iyo. Waliyose wakuŵazga Baibolo wakumanya icho. *Elohim*, “Mweneuyo ndi vyose.” Iyo wakaŵa Wakudanga, Waumaliro; Chiyambi, Umaliro. Elohim! Abraham wakamuchema Iyo “Elohim.” Chiuta (mu vilembo vikuruvikuru mu Chihebere), Elohim; kuyana waka, “Mu mtendeko Chiuta,” Elohim.

⁹⁵ Iyo wakaŵa Elohim kuwonekera mu thupi la munthu, kuvwaranga malaya gha munthu, kuryanga chakurya cha munthu. Amen! Chimanyikwiro chakuti mu mazuŵa ghaumaliro kuti Chiuta wazamkuwonekeraso pakati pa ŵanthu Wake mu thupi la munthu! Amen! Yesu wakati, “Milimo iyo Ine nkhuchita muzamkuchita namweso. Ndipo umo kukaŵira mu mazuŵa gha Sodom, ntheura ndimo kuzamkuŵira pa kwiza kwa Mwana wa munthu.” Amen! Icho nthā chikusoŵeka kumasulira kulikose; ichi chikusoŵeka kuwonekera, icho ndicho ichi chikusoŵeka. Amen. Kasi imwe mukugomezga icho?

Tiyeni tisindamiske mitu yithu.

⁹⁶ Ŵadada ŵithu Ŵakuchanya, ise tikupereka kwa Imwe phangano Linu usiku uwu kuti Imwe mukayowoya vinthu ivi. Imwe mukalayizga ivi. Kulije munyake wangamanya kupanga Mazgu Ghinu kukhala ghamoyo kweni Imwe. Imwe mukati,

“Kuŵeko kuŵara,” ndipo kukaŵako kuŵara. Kulije munyake wakwenera kumasulira icho, icho chikawonekera.

⁹⁷ Umo ise tanguŵazgira Yesaya, muprofeti, “Mwali wazamkuyima,” iyo wakachita; ntha chikusoŵeka kuwonekera kulikose, iyo wakachita ichi. Icho ndicho chikachitika.

⁹⁸ Imwe mukayowoya, para Iyo wakwiza Iyo wakwenera kubabikira mu Batelehem, “Kufuma mu Betelehem, Yudeya. Kasi iwe ndiwe muchoko chomene chara pa ŵakalonga wose ŵa Juda, wa Israel? Kweni kufumira mwa iwe muti mubabikenge Mlamuliri wa ŵanthu Ŵane.”

⁹⁹ Vinthu ivyo Iyo wakamanya kuchita, icho Iyo wakamanya kulira pa mphinjika, umo Iyo wakamanya kususkikira, ŵakalasa marundi Ghake na mawoko Ghake; “Iyo wakapwetekeka chifukwa cha kwananga kwithu, ndipo wakatimbika chifukwa cha kujuvya kwithu; chilango cha mtende withu pa Iyo; na vitimbo Vyake ise tikachizgika.”

¹⁰⁰ Umo kuti David wakayowoyera, “Ine ntha ndizamkuwuleka uzima Wake mu gehena, nesi Ine kuzakazomerezga Yumoza Wane Mutuŵa kuti wawone chivundi.” Ndipo pa zuŵa lachitatu, pambere maora sevente-thu ghakaŵa ghandakwane kuti Thupi Lake livunde, Mazgu gha Chiuta ghakati, “Iyo wazamkuwuka.” (Iwo ŵakati iwo ŵakiba thupi Lake ŵakaruta nalo; iwo ŵachali kugomezga ichi.) Kweni ise tikugomezga, Fumu, Mazgu Ghinu! Ichi chikawonekera. Yesu Khristu wakawuka ndipo Iyo wakati, “Ine ndizamku . . . Wonani, Ine ndiri namwe nyengo zose, nanga mpaka kufika ku umaliro wa charu.”

¹⁰¹ Ise tikugomezga kuti Imwe muli pano usiku uwu. Ise tikugomezga kuti Imwe ndimwe waka Yesu Khristu mweneyura usiku uwu, muno, umo Imwe mukaŵira kale. Ndipo Imwe mukupenja waka maso, mawoko, marundi, mlomo, mauzima, mathupi, agho Imwe mungagwiriska ntchito kuti mujiwoneskere Mwaŵene. Chiuta, tituŵiskeni ise usiku uwu, mwakuti ise tingamaya kumuwona Yesu Khristu wamoyo wakukhala pakati pithu. Muzomerezgeni Iyo wafike! Ntheura kukwaniriskikenge, ngati njara ya Ŵagiriki ŵara awo ŵakiza zuŵa lira, ndipo ŵakati, “Bwana, ise tikukhumba timuwone Yesu.” Ndipo iwo ŵakamuwona Iyo. O, kasi chikaŵa chakukondwereska uli para iwo ŵakati ŵamuwona Iyo!

¹⁰² Chiuta, Imwe ndimwe mweneyura muhanyauno. Ndipo Imwe mukalayizga kuti usange ise tikanweka ise tikamanya kumuwonani Imwe. “Kanyengo kachoko, ndipo charu ntha chindiwonenge Ine” (wambura kugomezga); “kweni ndipouli imwe muzamkundiwona Ine, pakuti Ine ndizamkuŵa na imwe, nanga ndi mwa imwe, kufika ku umaliro wa charu.” Ise tikumanya kuti Imwe ndimwe mweneyura mayiro, muhanyauno, na muyirayira.

103 Fumu, Mazgu ghayowoyeka, ichi chiri kulembeka, sono zomerezgani ichi chichitike, ku uchindami wa Chiuta, kuwoneska kuti Iyo wakusungirira Mazgu Ghake. Amen. Chiuta wamutumbikeni imwe.

104 Ine ndichemenge mzere wa pemphero. Ine nkhubomezga Billy wanguti iyo wangupereka makadi ghapemphero, wanu kufika handiredi, panji chinyakhe ngati icho. Iyo nthawi wali pano sono nthawi. Kasi...Kasi kadi la pemphero nambala... Munyake walaŵiske kuseri kwa lako...Iyi yingamanya—iyi yingamanya kuŵa nambala ndipo a—na chilembo (A, B, C, D, panji...). Kasi ili ndivichi, A? Viri makora.

105 Tiyeni tiŵe na A, nambala wanu, thu, firi, foru, fayivi. Yambani waka kuyimirira ngati nthawi. A, nambala wanu, nambala thu, nambala firi, nambala foru. Foru, ine nanguliwona chara ili likukwezga kuchanya. Kadi la pemphero nambala foru. Wanu, thu, firi. Pemphero...Panyake iwo ŵakutondeka kunyamuka. Usange iwo ŵangachita chara, munyake walaŵiske pa kadi la muzengezgani wako, iyo panji wangaŵa na kadi ndipo iyo wakutondeka kuyimirira. Mwaluŵiro sono. Ilo liri apo, foru. Fayivi, kadi lapemphero nambala fayivi. Sikisi, seveni, eyiti, nayini, teni, eleveni, thweluvu. Yambanipo waka kwiza kumtunda kuno sono apo manambala ghinu ghakuchemeka. Nambala wanu, thu, firi, zanninge waka kudera uku. Kadi lapemphero nambala wanu, thu, firi, foru, fayivi, sikisi, seveni, eyiti, nayini, teni, eleveni, torani waka malo ghinu. Eleveni, thweluvu, satini, fotini, fifitini, sikisitini, seventini, eyintini, nayintini, twente, twente-wanu, twente-thu, twente-firi, twente-foru, twente-fayivi. Walipo munyake nthawi... .

106 Ine nkhuwona mwanarumi mwanichi mu mpando wakutchika kunyuma uko. Usange nambala yako yachemeka, msepuka, ndipo—ndipo usange iwe nthawi ungafika...inya, kwezga waka woko lako, ise tiwonenge kuti iwe ufike kuno. Mukuwona?

107 Kasi mbalinga muno awo ŵalije kadi lapemphero ndipo kweni imwe ndimwe ŵarwari? Lekani ise tighawone mawoko ghinu, palipose. Nkhanira kuno, icho chiri makora, kwezgani kuchanya mawoko ghinu. Kasi imwe mukugomezga? Apo iwo ŵakuŵawunganiska iwo pamoza, kasi imwe mukugomezga Ichi, kuti Iyo ndi mweneyura mayiro na muyirayira? Kasi mbalinga? Wonani ŵapharazgi aŵa; kasi Lemba likuyowoya chara muhanyauno, ŵabale, kuti Iyo ndi Msofi Mukuru uyo wangamanya kukhwaskika na kapulikiro kithu kakufoka? Ndi unenesko uwo? Kasi mbalinga ŵakugomezga icho, mungakwezga kuchanya woko linu? Iyo ndi Msofi Mukuru uyo wangamanya kukhwaskika na kapulikiro kithu kakufoka.

108 Nthawi usange Baibolo likuti, “Iyo ndi mweneyura mayiro na muyirayira,” kasi mbalinga ŵakugomezga icho? Nthawi kasi

Iyo wachitenge uli muhanyauno? Iyo wakwenera kuti wachite ngati ndiumo Iyo wakachitira mayiro. Ndi unenesko uwo? Kasi Iyo walinkhu usiku uwu? Wakhala ku woko lamaryero la Chikurukuru, thupi Lake; Mzimu Mutuŵa wali muno mu nyumba, kuti wamuvumbure Iyo.

109 Wonani, sono laŵiskani. Kasi kukachitika vichi para munyake wakakhwaska chakuvwara Chake kale kula, mwanakazi zuŵa limoza? Iyo wakaŵavye kadi lapemphero, ise tingamanya kuyowoya, kweni iyo wakakhwaska chakuvwara Chake. Ndipo para iyo wakakhwaska chakuvwara Chake, Yesu wakang'anamuka ndipo wakati, "Ndinjani wandikhwaska Ine?"

110 Petros wakamuchenya Iyo, ndipo wakati, "Chifukwa, Fumu, icho ntha chikuwoneka ngati chazeru. Chifukwa, waliyose wakuyezga kumukhwaskani Imwe. Ntchifukwa uli mukuti, 'Ndinjani wandikhwaska Ine?'"

111 Iyo wakati, "Kweni Ine ndawona kuti Ine ndafoka." Kasi mbalinga ŵakumanya icho? *Kazirwiro*, cheneicho chikung'anamura "nkhongono," zikafumamo mwa Iyo. "Ine ndafoka, munyake wandikhwaska Ine na kakhwaskiro ka mtundu unyake." Ndipo Iyo wakang'anamuka ndipo wakalaŵiska ku gulu mpaka Iyo wakayisanga nthowa yira ya chipulikano.

112 Waliyose wakaŵikanga mawoko ghawo kukhwaskanga Iyo, "O Rabbi, ise tikumomezgani Imwe," na chose ichi.

113 Kweni wakaŵako yumoza uyo wakagomezga nadi Ichi. Ndipo iyo wakakhwaska chakuvwara Chake ndipo wakagomezga kuti iyo wakachira, chifukwa iyo wakayowoya mu mtima wake usange iyo wangachita ichi icho ndicho mbwenu chichitikenge.

114 Iyo wakang'anamuka ndipo wakalaŵiska ku gulu mpaka Iyo wakamusanga mwanakazi, ndipo Iyo wakati. . . wakamuphalira iyo suzgo lake la ndopa likamara ndipo iyo wakachira. Ndi unenesko uwo? Sono, umo ndimo Iyo wakachitira, mu gulu la ŵanthu.

115 Sono, ine nkhuwoyoya kuti Iyo ngwakufwa chara, Iyo ngwamoyo waka muhanyauno umo Iyo wakaŵira kale. Ndipo Baibolo likayowoya, Yesu wakayowoya, Iyoyekha, "Umo kukaŵira mu mazuŵa gha Sodom, ntheura ndimo kuzamkuŵira pa kwiza kwa Mwana wa munthu."

116 Sono wonani, kwali ndi mtundu uli wa chawanangwa icho Chiuta wali nacho kuchanya kuno, pakwenera kuti waŵeko yumoza pasi uko, nakoso, kuti wapokerere ichi. Iyo wakaruta mu msumba, Baibolo likati, "Kukaŵa vintu vinandi Iyo ntha wakachita chifukwa cha kuwura kugomezga kwawo." Ndi unenesko uwo? Chinthu chenechira muhanyauno. Imwe mukwenera kuti mumugomezge Iyo. Imwe mukwenera kuti

mumugomezge waka Iyo. Ndiyo nthowa yekha pera imwe mungachitira.

117 Kasi mzere wa pemphero wanozgeka? Sono, waliyose mwantchindi pa maminiti pafupifupi waka teni. Nkhumanya chara kwali ine ndifikengeko uko, ine ndiri na pafupifupi twente-fayivi panji sate wayimirira uko. Kweni sono, mu mzere wapemphero, waliyose yumozayumoza wa imwe kuwaro uko mu mzere wapemphero uyo wakumanya kuti ine ndine mlendo kwa iwe, ndipo ine ntha nkhumanya kalikose za iwe, kwezga muchanya woko lako. Waliyose yumozayumoza mu mzere wapemphero.

118 Sono kuwaro mu gulu, iwe ukumanya kuti ine ntha nkhumanya kalikose za iwe, kwezga muchanya woko lako. Sono, sono, apa pali icho ine nkhuvezga kuyowoya, mubwezi, wona. Sono, ichi chiri apa. Wapharazgi wose aŵa kuchanya kuno pa gome. Ndipo Khristu wakapanga phangano ili. Wonani, ichi chiri kulembeka. Kasi ichi chikayenera kuzakakwaniriskika pauli? Mu mazuŵa ghaumaliro, pambere kundachitike waka Kwiza kwa Fumu. Ndi unesko uwo? Ichi chikayenera kuti chizakakwaniriskike nyengo yira.

119 Sono, agho ndi Mazgu agho ghakachimikira muhanyauno. Ntha kuŵara kwa Luther; ntha kuŵara kwa Wesley; ndipo ntha nanga ndi kuŵara kwa Pentekoste. Ichi chakwera mtunda sono. Sono, Luther wakaŵa makora; Methodist wali makora; Baptist wali makora; wose ŵara, Pentekoste, makora. Pali mitundu yose ŵakhala muno usiku uwu. Ichi ntha—ichi ntha—ichi ntha ndi munthu payekhapayekha. Uli usange. . .

120 Imwe ntha mungamuphalira wa Methodist chirichose za Luther, chifukwa iyo wakugomezga mu kutuŵiskika ndipo Luther wakuchita chara. Mukuwona?

121 Imwe ntha mukumuphalira wa Pentekoste kuti “kutuŵiskika ndicho chose cha ichi,” iyo wali kuwona kuwezgereskeka kwa vyawanangwa. Iyo ntha wagomezgege icho. Chara, iyo wali na vikuru kuruska icho. Mukuwona? Ndipo uwo ndi muwiro wa mpingo waumaliro uwo ise tikaŵa nawo, ndipo Baibolo likuti yizamkuŵakoso chara miwiro ya mpingo.

122 Kweni kuzamkuŵa kuwungana kwa ŵanthu, wonani, ndipo ise tiri apa. Sono, kumbukirani, chimanyikwiro chaumaliro. Kasi taŵanthu ise tikupenja mwana waphangano? Kwezga muchanya woko lako. Kasi iwe ukugomezga ndiwe Mbewu ya Abraham pakuŵa mwa Khristu? Kwezga muchanya woko lako. Ntheura, Mbewu ya Abraham, pokera chimanyikwiro chako! Ichi ntha chiri kuwaro ku Babulone, ichi ntha chiri kuwaro uko ku charu chabungwe. Ichi chiri pano pakati pinu, iwo awo ntha ŵali mu nthimbanizgo yira kuwaro uko. Gomezga ichi!

123 Apa pali mwanakazi, iyo ndi mlendo chomene kwa ine, chamudera uko mu msinkhu wakuyana. Ine ndiri kumuwonapo

chara mwanakazi mu umoyo wane. Usange ine ningamuchizga mwanakazi yura ine ningachita ichi, usange iyo ndi murwari. Ine nthā nkhumanya kalikose za iyo. Kasi imwe mwangumuwona iyo wakukwezga woko lake maminiti ghachoko ghajumphā? Ine—ine ndiri kumuwonapo chara iyo. Iyo ndi mwanakazi waka wayimirira apo.

¹²⁴ Muhanyauno iwo wākwiza kusika kuno ndipo wāfika na mulu wa makadi ghapemphero, wāngughasakanizga ghose igho na kupereka agha ku wānthu. Yumoza wapokera la nambala wanu apa, ndipo nambala teni kunyuma uko, nambala fifitini, nambala seveni, nambala . . . ngati nthēura waka. Ighe ghose ngakusazgikana waka, nkhanira panthazi pinu, zuwā lirilose. Ndipo para ighe ghachemeka, ighe ghakuchemeka waka palipose kufuma kulikose. Mukuwona? Ndipo, sono, imwe nthā mukwenera kuwā nalo nanga ndi kadi lapemphero, khalani waka uko ndipo gomezgani. Kasi mukutondekerachi . . .

¹²⁵ Jikamateni mwaŵene, usiku uwu, fufuzani ora ilo ise tikukhalamo. Mukuwona? Sono, ichi chiri waka pafupi kumara, nachoso, mubwezi. Pafupi kumara!

¹²⁶ Sono, usange Chiuta wa Abraham wakawuska Yesu Khristu ku wākufwa, ndipo Yesu yura wakalayizga kuti mu mazuwā ghaumaliro vimanyikwiro vyenevira ivyo Abraham . . . kuti Mungelo (uyo wakaŵa Chiuta mu thupi la munthu) wakachita pamaso pa Abraham, pambere mwana waphangano wakaŵa wandafike, Yesu wakati chinthu chenechira chizamkuchitika muhanyauno.

¹²⁷ Sono, ise tikuwona ma atomiki na mabungwe, na vyose ivyo, na nthimbanizgo iyo iwo wālimo. Ise tikumuwona Billy Graham kusika kula, na Oral Roberts, na wānthu wose ŵara kuwaro kula; thenga ku Pentekoste na thenga ku bungwe kusika kula, ise tikuwona chose icho chikuchitika, kunyamuranga chimanyikwiro. Billy Graham, wakusambira vyauchiuta wakufikapo, icho bungwe likugomezga. Oral Roberts, muchiriski wakufikapo, nkhanira ndendende icho Pentekoste . . .

¹²⁸ Kweni laŵiskani kuno, pali chinthu chinyake chikalayizgika ku Mbewu ya Abraham. Kula iwo wāli kusika pakati pa mabungwe ghara; pali chinyake *kuwaro* kwa mabungwe chikwenera kuti chichitike, kuwunganiskanga wānthu. Ise tichilekenge ichi tirute mpaka machero usiku.

¹²⁹ Wonani, ine nkhumumanya chara mwanakazi yura. Ine ndirazgirengeko msana wane kwa iyo. Usange Fumu Chiuta wayowoyenge chinyake kwa mwanakazi yura, panyake ichi ndi— ichi ndi chakubanja, panyake ichi ndi ndalama, panyake ichi ndi urwari; ine nkhumumanya chara. Iyo wamanyenge kwali ndi unesko panji chara.

¹³⁰ Usange Iyo wachitenge chinthu chenechira usiku uwu icho Iyo wakachita kale, kasi imwe mumugomezgenge Chiuta uyo Yesu Khristu wakalayizga wazamkuwa kuno mu mazuwa ghaumaliro? Kasi mbalinga wakugomezga kuti ise tikukhala ngati mu Sodom, apo charu chose chanjira mu kawiro ka wina Sodom? Kasi mbalinga wa imwe mukugomezga icho ine ndamuphalirani imwe usiku uwu ndi Unenesko? Ntheura, wana na Mbewu ya Abraham, gomezgani Chiuta!

¹³¹ Sono, ntheura ichi chifumiskenge ichi mu malingaliro ghinu kuti ine nkhuvezga kuyowoya chinthu chinyake ku mwanakazi, kumulaŵiskanga iyo mu maso, panji torani vinthu vyose vya kuwazga malingaliro panji chirichose imwe mukukhumba kuti mumanye. Waliyose uyo wakumanya za kuwazga malingaliro wakwenera kuwa na mamanyiro ghaweme kuruska icho. Mukuwona? Mukuwona? Kasi imwe mukamuwonapo wakuwazga malingaliro wakupharazga Ivangeli? Kasi imwe mukamuwonapo wakugomezga vyamizimu wakupharazga Ivangeli, kuchitanga vimanyikwiro na vyakuziziswa, kuyowoyanga Yesu Khristu ndi mweneyura? Chara.

¹³² Wonani, ichi ndi...ndi malingaliro gha wanthu. Wonani, iwo mbakuburumutizgika. Kasi imwe mukugomezga iwo wanga wa wakuburumutizgika? Baibolo likati iwo wazamkuwa. Ndi unenesko uwo? “Wakujitukumura, wamalingaliro ghapachanya, wakutemwa vyakusereska kuruska kutemwa Chiuta, wachiwembu, wakuchombora mwautesi, wambura kujikora, wakunyoza awo mbaweme, wakuwa na kawiro kauchiuta, kweni wakukana Nkhongono yake.”

¹³³ Yesu wakayowoya chara, mu Mateyu Mutuwa 24:24, kuti mizimu yiwiri mu mazuwa ghaumaliro pafupifupi yizamkupuruska Wakusoreka, usange chikawa chamachitiko? Kweni ndi chamachitiko chara. Iwo waka wa mu maghanoghano gha Chiuta pa chiyambi, ndipo iwo ndi gawo la Chiuta.

¹³⁴ Sono, Chiuta wa Abraham, Isaac, na Jacob, lekani ichi chimanyikwe usiku uwu kuti ine nkhuwoyoya Unenesko za Imwe. Ichi Ndimwe, Fumu. Mwakujikhizga zomerezgani wateweti Winu wamanye kufumiskapo maghanoghano ghawo pa nthowa, mwakuti Imwe mungamanya kugwiriska ntchito mathupi ghithu ku Uchindami Winu. Mu Zina la Yesu, Mwana wa Chiuta. Amen.

¹³⁵ Kasi chawanangwa ndi vichi? Ntha chinyake imwe mukutora na kudumura na kugadaburizga. Chara, chara. Ndi kumanya umo ungajifumiskirapo wamwene pa nthowa kuti Chiuta wangamanya kukugwiriska ntchito iwe. Chawanangwa ndi kujifumiskapo waka wamwene, pamanyuma Chiuta wakugwiriska ntchito ichi.

136 Dona kunyuma kwane wafwenge mwasonosono usange iyo wakuchizgika chara. Dona kunyuma kwane warombereka waka na mwanarumi munyake, mwasonosono. Iyo wali na kansa. Kansa yiri mu bere lake ndipo kweniso mu maphapu ghake. Ndipo iyo wangurombereka waka mwasonosono, ndipo iyo wakuyezga kuchizomera ichi mwa chipulikano kuti iyo wachira. Icho ndi NTHEURA WAKUTI YEHOVA! Ndi unenesko uwo, dona? [Dona wakuti, “Inya, ichi ndi unenesko nadi.”—Munozgi.] Usange chiri nthaura, kwezga—kwezga woko lako ku gulu. Chiuta wa Abraham wachali wamoyo! Viri makora, rutanga gomezga icho iwe ukugomezga ndipo iwe uchirenge. Amen.

Imwe mukugomezga? Imwe mukuti, “Kuli vichi ku gulu?”

137 Mwanakazi uyu wakhala apa na wake...ku umaliro wa mzere, dona wachiwiri nkhanira uko. Para ine nanguti nang’anamukira waka kula ine nanguwona chinyake, chinhu pa woko lake, kuchimbira kukuru kwa ndopa kupopanga. Iyo wali na kuchimbira kukuru kwa ndopa. Ndi unenesko uwo, dona? Kwezga muchanya woko lako. Usange iwe ukugomezga, kuchimbira kwako kwa ndopa kukhirenge. Chiuta wa Abraham wachali pa malo. Iyo wali waka ndendende icho chikawako, Mazgu gha Chiuta gha nyengo iyi!

138 Kasi iwe uli makora? Iwe ukugomezga sono? Khala na chipulikano mwa Chiuta! Wanguwoneka ngati kuti ndi mwana waka. Chiuta wakumanya mtima wako, dona mwanichi, ine nkhumanya chara. Kasi iwe ukugomezga Chiuta ndi wamagomezgeko kuvumbura kwa ine icho chanangika? Kasi iwe umugomezge Iyo usange ine ndichitenge? Ichi ntcha iwe chara, ichi ntcha munthu munyakeso, uyo ndi mdumbu wako. Ndipo iyo warwara chomene, ndipo iyo wali mu msumba kumpoto uku, Tulare. Ndipo iyo wali mu chipatala, ndipo iyo wali na kansa mu ndopa, ndipo madokotala ghatondeka kuti wafwenge. Kulije vigomezgo virivyose. Uwo mbunenesko. Kasi iwe ukugomezga? [Dona, wakulira, wakuti, “Inya.”—Munozgi.] Viri makora. Kasi iwe uli na vichi mu woko lako? Tora icho ndipo ukawike ichi pa iyo. Ndipo kukayika chara. Gomezga! Amen.

139 Kasi iwe ukugomezga? Ine ndiri kumuwonapo chara dona mu umoyo wane. Kweni Chiuta wakukhalirira Chiuta! Sono, mundiphalire ine munthu wangamanya kuchita icho? Ichi nthu chiri mu kupangika na munthu kuti wachite ichi. Ndi Chiuta uyo Yesu Khristu wakalayizga kuti wazamkuwa kuno mu mazuwa ghaumaliro ndipo wazamkujikhozgera Iyomwene (nkhanira panthazi pa Mbewu ya Abraham) umo kukaŵira mu mazuwa gha Sodom.

140 Sono apa, ine nkhumumanya chara dona, ise ndise walendo kwa yumoza na munyake, ine nkhusachizga ndi nyengo yithu yakudanga kukumana mu umoyo. Kasi iwe ukundigomezga ine kuwa muteweti Wake? [Dona wakuti, “Inya.”—Munozgi.]

Kasi iwe ukugomezga ichi kuwa Mazgu? [“Inya.”] Ndipo iwe ukumanya kuti usange. . . Mazgu agha ghachali kusanda maghanoghano na madazgo gha mtima. Ndi unenesko uwo? [“Uwo mbunenesko.”] Mazgu ndi Muchiriski, naghoso, usange iwe ungasomezga Ichi. Iwe ukuchita. Iwe waphimbika, naweso, na muzgezge ufipa. Ndi kansa. Ndipo iwe ukugomezga kuti Chiuta wangandiphalira ine apo pali kansa iyo? Yiri mu matumbo ghakusi, ntheura ndimo dokotala wakuyowoyera. Kasi iwe ukugomezga sono kuti iwe uchirenge? [“Amen.”] Rutanga, ndipo kukayika chara napachoko pose, ndipo Chiuta wakuchizgenge iwe. Amen.

¹⁴¹ Imwe mukugomezga, waliyose? Nkhanira ndendende icho Iyo wakalayizga kuchita! Khalani na chipulikano mwa Chiuta, kukayika chara.

¹⁴² Ise ndise walendo kwa yumoza na munyake. Ine nkhumanya chara iwe. Usange ise ndise walendo, leka gulu limanye icho, ise tikorane mawoko ghithu. Ine ndiri kumuwonapo chara mwanakazi mu umoyo wane.

¹⁴³ Kasi imwe mukugomezga kuwaro uko? Imwe mukugomezga ndi Yesu Khristu? Kasi ichi ntchichi? Ndi Mazgu Ghake. Para wanthu awa wakana Ichi, iwo ntha wakumukana munthu, iwo wakukana Mazgu. Ndi Mazgu agho ghakawa kuwaro, ntha ghakamanya kurutaso mkati.

¹⁴⁴ Sono, dona ndi mlendo kwa ine. Ine ndiri kumuwonapo chara iyo mu umoyo wane. Chiuta ndi Muchiriski. Ichi panji ntha ghangawa machirisko, panji chingawa cha chinthu chinyakeso, kweni usange Chiuta warongosorenge kwa ine icho ndi suzgo lako, kasi iwe undigomezgenge ine? Chinthu chakudanga iwe ukukumbira lurombo, ndi, iwe uli na khutu lakwanangika. Limoza la makutu ghako, iwe ukupulikirako chara ku ili. Ndi ntheura. Uwo mbunenesko. Ndipo pamanyuma iwe uli na chizgowezi, ndipo iwe ukukumba kuti uchileke chizgowezi icho, ndi kukhweza ndudu. Wika njowe yako mu khutu lako liweme sono, viri makora, khutu lako liweme. Viri makora. Sono mugomezge Chiuta ndipo rutanga ulendo wako, ndipo ntha. . . ndipo iwe ntha wamkukhwezaso ndudu munthowa yiriyose usange iwe ugomezgenge. Rutanga, ndipo Fumu yikutumbike iwe.

Imwe wonani icho chikachitika. Kasi Iyo ndi wanadi chara?

¹⁴⁵ Ine nkhumanya chara iwe, ise ndise walendo kwa yumoza na munyake. Ine ndiri kumuwonapo chara iwe mu umoyo wane, kweni Chiuta wakumanya iwe. Usange Chiuta wangandiphalira ine chinyake za iwe, kasi iwe ugomezgenge?

¹⁴⁶ Kasi gulu lose ligomezgenge? Walipo munyake kuwaro uko wakumumanya mwanakazi? Walipo munyake mu gulu wakumumanya mwanakazi? Viri makora, imwe mukumanya

kwali ichi ndi unenesko panji chara. Ichi chimazgenge ichi. Ichi chikwenera kuti chiphare unenesko.

¹⁴⁷ Sono imwe mungamanya kuwona icho chachitika waka mu maminiti ghachoko ghajumpha. Mukuwona? Ichi mbwenu waka. . . Ine nkunjenjemera. Mukuwona? Ndi chirichose waka chikuwoneka chara kwa ine. Wonani, Ichi chikusanda. Wonani, Ichi ndi Mzimu Mutuwa. Ichi ndine chara. Ichi ndi Mazgu ghakalayizgikira nyengo iyi. Ichi nthā chikaŵako kufuma mu mazuwa gha ŵapostole, ichi nthā chiri kuŵako. Kweni uko ichi chikati, “Kufika waka pambere kundachitike kwiza kwa Mwana wa munthu. Umo kukaŵira mu mazuwa gha Lot, nthaura ndimo kuzamkuŵira pa kwiza kwa Mwana wa munthu.” Ŵambura kugomezga nthā ŵakugomezga Ichi. Iwo nthā ŵakukhazgika kuti ŵagomezgenge Ichi. Kweni ŵakugomezga ŵakugomezga Ichi!

¹⁴⁸ Sono, usange Mzimu Mutuwa wavumburenge ichi, kasi ndimwe ŵalinga mugomezgenge na mtima winu wose, imwe mukwezgenge woko linu?

¹⁴⁹ Iwe uli na kuphwanyika kunyake. Iwe ukaŵa na ngozi ya galimoto, iyi yiri kuguluramo viwangwa vinyake mu singo lako. Iwe uliso na yiso yikakeruka. Uwo mbunenesko, ndi nthaura chara ichi? [Mwanakazi wakuti, “Inya, bwana.”—Munozgi.] Iwe ukugomezga? [“Inya, bwana.”] Iwe uŵenge makora. Rumbanga Fumu.

¹⁵⁰ Iwe ukugomezga Chiuta wakuchizga suzgo la yiso? Nthaura rutanga ndipo zomera machirisko ghako.

¹⁵¹ Zanga, dona. Laŵiska kudera uku. Iwe ukugomezga Chiuta wakuchizga suzgo la mtima? Viri makora, rutanga ulendo wako ndipo gomezga, ndipo mtima wako uŵenge makora.

¹⁵² Zanga kuno. Iwe ukugomezga Chiuta wangachizga msana wako, kukupanga iwe kuchira? Rutanga ndipo rutirira kugomezga ichi.

Mugomezge waka Chiuta, ndicho chekha iwe ukwenera kuchita!

¹⁵³ Zanga, dona. Iwe ukugomezga Chiuta wakuchizga suzgo la munthumbo? Rutanga, ukarye chakurya chako chakugonera, gomezga na mtima wako wose.

¹⁵⁴ Zanga. Iwe ukugomezga Chiuta wangachizga kuphwanya kwa marundi? Nthaura rutanga, gomezga, ndipo panga. . . ndipo Chiuta wakuchizgenge iwe.

¹⁵⁵ Viri makora, zanga. Iwe ukugomezga na mtima wako wose? Iwe ukugomezga? Kuphwanya marundi, kamosaso. Kasi iwe ukugomezga kuti Chiuta wangakuchizga iwe? Rutanga, gomezga ichi, yowoya, “Nkhumuwongani Imwe, Fumu.”

Kasi mbalinga ŵakugomezga kuwaro uko? Kasi imwe mukugomezga?

¹⁵⁶ Dona uyu wakhala apa wavwara diresi liswesi, wakukwezga woko lake muchanya nkhanira muno, wakusuzgika na kuchimbira kukuru kwa ndopa. Iwe ukugomezga Chiuta wangakuchizga iwe? Iwe ukuchita? Viri makora. Wika mawoko ghako pa dona wakhala kufupi na iwe kusika uko, ndipo muphalire iyo mazgu ghake ghaŵenge makora. Amen.

Icho chiri apo. Amen. Kasi iwe ukugomezga? Khala na chipulikano!

¹⁵⁷ Apa pali mwanarumi wakhala apa, wali na michira. Kasi iwe ukugomezga, bwana, wakhala nkhanira uku? Inya, iwe uli na mchira. Iwe ukugomezga uwu umarenge?

¹⁵⁸ Dona wakhala kufupi na iwe wali na michira nayoso, ndipo iyo wali na suzgo la msana. Iwe ukugomezga Chiuta wakuchizgenge iwe? Iwe ukuchita? Kwezga woko lako ndipo zomera ichi. Gomezga.

¹⁵⁹ Dona uyu wakhala kufupi na iwe wali na suzgo na marundi ghake ndipo na chiwuno chake. Kasi iwe ukugomezga kuti uwo mbunenesko, dona? Iwe ukugomezga kuti iwe uchirenge? Inya, kwezga muchanya woko lako, yowoya, “Ine nkhezomera ichi.”

¹⁶⁰ Viri makora, dona wakhala kufupi na iyo wali na utenda. Iwe ukugomezga kuti Chiuta wachizgenge utenda, dona mwanichi wavwara magalasi? Kwezga muchanya woko lako, yowoya, “ine nkhezomera ichi.” Viri makora, gomezga ichi.

¹⁶¹ Dona kufupi na iyo wali na suzgo la yiso. Kasi iwe ukugomezga Chiuta wachizgenge suzgo la yiso, dona? Viri makora, kwezga muchanya woko lako, zomera ichi.

¹⁶² Msungwana mwanichi kufupi na iyo wali na chidyukuruku. Iwe ukugomezga kuti Chiuta wachizgenge chidyukuruku uko? Kwezga muchanya woko lako, zomera ichi.

¹⁶³ Kasi ndimwe ŵalinga mukugomezga na mtima winu wose? Ntheura yimirani pa marundi ghinu ndipo zomerani ichi. Yimirani mu Kuŵapo kwa Chiuta wa Abraham, Isaac, na wa Jacob.

¹⁶⁴ Mu Zina la Fumu Yesu Khristu nkhuromba Mzimu Mutuŵa unjire mu nyumba sono ndipo wachizge munthu waliyose mu Kuŵapo Kwauzimu!



CHIUTA NDI WAKUJIMASULIRA IYO YEKHA CTK64-0205
(God Is His Own Interpreter)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chitatu kumise, Feburuware 5, 1964, pa Kern County Fairgrounds mu Bakersfield, California, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na wa Voice Of God Recordings.

CHITUMBUKA

©2016 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org